



GREENHILL PUBLIC SCHOOL

RAJIV GANDHI STADIUM ROAD, MUALPUI

www.greenhillpublicschool.com greenhillpublicschool15@gmail.com

TRANSFORMING EDUCATION

Contact – 9436371417

Dated 3/5/2023

Vol. No.93

GPS NEWS LETTER

Greenhill Public School hi zirlaite *Pathian ringtu tha tak* (Committed believer), *khawvel pum huapa duai lo* (Internationally competent), *kan hnam nuna zung nghet tak kaih* (Culturally rooted) ni tura buatsaih tumna (Mission Oriented) nei a din a ni. World class education pe turin kan inbuatsaih mek zel a ni. Tunah hian kan kum 8 lai kan lo tling ve ta a ni.

Kum 24th March 2015 khan Board meeting hmasa ber kan nei a, 6th April 2015 khan class kan tan a, tunah chuan kum riat zeta upa kan lo ni ve ta. Pathian min hruaina kan thlir letin lawmthu sawi tur tam tak a awm a ni. Chuvangin hei hi **LALPA TIH A NI kan ti a ni**.

Lockdown chhungin chak taka kal a harsa hle a. Tunah hian kan history kan thlir let a, kan vision leh mission tihlawtling turin theih tawp kan chhuah mek a ni. Zirtirtu then khat kan vision leh mission min tawmpui thei chiah lo, school nunphung (culture) zawm (adop) thei lo te chu kan chawlh tir hial a ni.

- 1. Co-curricular activities:** A tira atanga kan lo ruahmanna, CBSE International Curriculum zulzui a kan lo siam tawh chu New Education Policy hian a rawn nemnghet a. Core subject- Mathematics, Science, Technology (IT), *Language-English, Hindi, Mizo leh History, Social Studies leh Geography* bakah zirlai ten an thiam tel tur -Co-curricular (tun hma a Extra curricular kan ti mai thin kha) tih tak zetin kan zirtir tan a. Chungte chu:- *Life Skill, Health Education, Physical Education, Arts -Performing Art (Music) leh Fine Art-(Painting)* kan zirtir tan a ni. Aquatic Society nen in dawrin class viii zinga swimming zir duh te chu swimming zirtir kan tum bawk a ni. He tiang a nih avang hian zirtirtu thar qualified tak *Music teacher leh PE Teacher* kan appoint ta a, an fel dawn hle in kan hria. *Health education* hi school nurse kal tlangin kan tan mek a ni. *Amaherawh chu Co-curricular subject hi pawimawh hle mahse core subject zirna erawh chu a tibuai tur a ni lo.*
- 2. Tutorial Class:** Zilaite lehkha kan rawn hawn tir tawh ang khan chawlh leh kar date 8th May atangin tutorial class kan tan dawn a. Zirlai then khat chu Hindi subject bikah *compulsory tutorial class* attend turin kan ti dawn a, fee pawh thla khatah Rs 500 pek a ngai dawn a ni. Hindi hi zirlaiten an thiam ngei theih

nan hei hi ruahman a ni a, thla khat kan enchhin phawt ang. Kan fa ten hmantlaka lehkha an thiam theihna turin senso kan hum a, tih tak zet kan chhuah a ngai a ni.

He tiang bawk hian Mathematics tuition pek a ni ang. Tlai 3-4 Pm ah pawl V leh pawl VII & VIII tan tuition kal theih a ni. A fee thla khat atan Rs 500 a ni ang. Class V leh VIII tan chauh Inrinni dar 10Am -1:Pm ah, mathematics a tui leh competition a tel tur tan tutorial class buatsaih a ni. Fee a awm lova, kal man leh tiffin erawh chu mahni a intum tur a ni. *Harsatna nei chuan Director hnenah thlen tur a ni.*

3. **Tata Interactive Panel Board:** Smart class siam kan tum a, chuta tan chuan Interactive Boar atul tlat a ni. Hei hi smart TV ang deuh, schoola naupang zirtirna atana siam a ni. CBSE zirlai mila zirtirna software load sa vek a ni a. Inches 60 hlai a ni a, pakhat man hi Rs 170,000 a ni a. Tangkai dawn riau a kan hriat avangin Class VIII leh Class VII rooma hman turin pahnih kan dah chin phawt dawn a ni. Tun thla tawp lamah chuan Tata company hian an rawn dah theih ka beisei.
4. **Zina Report:** Date 25-28 April 2023 khan Guwahati-ah Rev. Dr. R. L. Hnuni nen kan zu zin a, Rev. C. Zatawna te nupa kum 50th (Golden Jubilee) kan hman pui a. Hei hi remchangah hmangin CBSE Secretary Mr. Thngkholet Mate kan hmu a, CBSE Board zawm tura hmalak zel dan turte min kawhhmuh a, a in hawng hle a, kan lawm hle.

Mrs Cathy, Assistant General Manager, NEDFi kan hmu a, school develop nan loan kan dil thu kan sawipui a, a in hawng hle a, kan lawm hle. Loan lak leh a, theih tawp chhuah a, school hi develop kan tum a ni.

5. **Fee pek:** Tuition fee pek hun hi thla tinin date 15/ ral hma a pek tur a ni. Private school ho chu zirlai fee-a in nghat kan nih avangin a hun takah fee pek hi a pawimawh em em a ni. Chuvangin a hun takah tuition fee hi pek hram hram tur a ni. *Harsatna nei te chuan Director hrilh tur a ni. Chutiang a nih loh chuan date 15 hnu lamah chuan interest kan lak hial atul ang.*

Krista leh kan ram tan.

Shalom


K. Thanzauva

Director.